

五編物產卷二十三

土質有肥磽之異氣候有寒暖之差東西朔南北向不同所產之物亦不能一致考貨殖列傳可以知其大概矣至於水產魚蝦山生材木金銀銅鐵各鑛星羅棋布到處皆然所謂利民用厚民生者蓋皆具豐享之景象焉孟子曰養生喪死無憾王道之始也此其意哉豐邑山水四面廻環各種物產生於其間足以養育人民者皆充實而各足其用然則此地之物產足以活此地之人民此地之人民無不資此地之物產是物產與人民有互相關係而不可分離之勢焉於是將動植礦各產彙爲一編列成一卷以供博物家之參考

植物穀類

蜀黍 禾本科一年生草本栽培於陸田中葉似蘆種子可供食用舂去殼爲米俗呼曰秣米

張華博物志云北地通呼曰高粱

黏蜀黍 有黃黑二種與蜀黍同一形狀但性黏耳

玉蜀黍 禾本科一年生草本有黃白紅三種粒有精光故名曰玉米花單性雄花生於莖頂雌

花生於葉腋其實以巨苞裹之俗名曰包米晚收不畏霜雹邊地種之猶宜

粟 禾本科俗呼穀子米曰小米按古以粟爲黍稷梁之總稱後此以穗小毛短粒細者爲

粟今從之

大豆 豆科古謂之菽今謂之豆分黑白黃褐青斑諸色爲縣境農產之大宗

小豆 豆科有蠶豆赤黃黑數種赤者入藥

綠豆 豆科一年生陸田之耕作物種子綠色故名綠豆其用甚廣可製粉蒸糕煮湯飲之能

消暑解毒

豌豆

豆科即胡豆也種出胡戎故名爲百穀中之先登者爾雅謂之戎菽遼志謂之回鶻豆今種之者分大小二種味頗甘美

豇豆

豆科園中物也蔓生花有紅白二色筴必對生兩兩相垂土人呼之曰十八豆

蠶豆

豆科以蠶時成熟故名按豆中惟此無枝蔓故亦呼爲樹豆

雲豆

豆科種來自雲南故名呼爲六月先

扁豆

豆科即藟豆蔓生籬落間夏間結實成筴形扁而潤嫩時可食子有黑白褐等色黑者別稱鵲豆亦可食

稷

禾本科禮謂之明粢說文稷齊也五穀之長蓋五穀皆宜薦神特以稷以主之故謂之長一作稯々糜也楚人謂之稷關中謂之糜禾似黍而米性不黏周官土訓注云幽并地宜麻釋文麻作糜即今呼爲糜子者是晚種早熟邊地猶宜

大麥 禾本科草本詩謂之牟芒長熟較早可爲麩葉

小麥 禾本科一年生或越年生草本詩謂之來種子可磨爲麵粉以供食用皮曰麩子可飼

牲畜藁可製夏帽及玩器

蕎麥 蓼科一作荻代種秋熟以實磨粉可備食品惟其粉以產於黑龍江者爲最佳

粳； 禾本科水種者爲稻旱種者爲粳以粳不如稻產量之宏故境內種粳者惟山農時或

有之若澤國之處近皆種稻矣

稗 禾本科宜於澤國之地米甘而性滑於食品不甚相宜藁可葺屋亦可作家畜飼料

黍 禾本科與稷同惟性之黏者爲黍俗呼之爲大黃米其粒均齊無大小之差故古人以

之定度量

稊 禾本科爾稷類也乃粟或粱之一種稊即粱米粟米之黏者有赤白黃三色一名糯稊

一名糯粟皆因時地不同而歧其名也

蘇 唇形科有山蘇水蘇紫蘇白蘇之別其種子皆含油質而紫蘇入藥

脂 麻 唇形科俗呼曰芝蔴實藏甬內擗而食之其味甘以之製油曰香油能調味解毒爲食

品中最要之物

大 麻 桑科禮謂之苴禹貢謂之枲皆大麻也葉分歧作掌狀背面皆綠實含油質取其子可

榨油皮富纖維漚其桿可取麻以子繩索用途甚廣

榮 麻 錦葵科多生於卑溼處幹高丈餘葉大於桐子熟自裂皮可爲麻性耐溼惟其力稍遜

於大麻一名白麻又名苘麻

蔬類

菘 十字花科今謂之白菜能四時常有春種者曰春白菜秋種者曰秋白菜又有黃芽白

箭桿白以及疙疸白等皆爲菘類深秋而漬之缸中曰酸菜酸脆可口考南史周顒傳秋

末晚菘可見菘之味美在蔬類中應爲佼佼者也

芥

十字花科芥之類甚多楊子方言蔓蕘趙魏之間謂之大芥其小者謂辛芥或謂之香芥爾雅翼芥似樛而有毛味極辛苦種子研成細末以供食用白芥子入藥

蘿

蔔

十字花科爾雅作案蘆葩郭璞注謂葩宜作藤又云蘿蔔菹芥三者古皆名菹紫花菹者即今之蘿蔔芥菹者即今之芥菜晚菹者即今之白菜菹其總名也

韭

百合科禮名豐本其味早春最美原用以供祀今爲常蔬南史周顒傳春初早韭即此葉似薤而肥大高尺許六月出莖開小白花尖瓣六出攢簇成叢結子色黑如葱子

葱

百合科春秋兩季種之秋種者曰白露葱若移栽他處來春再發葉茁壯如羊角故名曰羊角葱蘇頌圖經葱有數種入藥用山葱胡葱食品用凍葱旱葱

蒜

百合科爾雅翼大蒜爲菽小蒜爲蒜我國種係大蒜也羣芳譜云張騫得西域種歸國後遂傳之始徧爾雅蒿山蒜也釋曰量莖說文量菜即今大蒜蒿乃今小蒜分紫皮白皮二種

薤 百合科爾雅謂之薤莖如小蒜所謂薤白者係俗呼爲小根菜

菠薐菜 藜科即菠菜也早春晚秋之時皆有之唐太宗尼波羅國所獻故曰菠菜

胡 荽 繖形科一名芫荽一作葶荽一年生草本俗名香菜相傳張騫自西域得來

芹 菜 繖形科爾雅澤草芹楚葵郭注水中芹莖 作薺說文薺菜類蒿呂氏春秋菜之美者

雲夢之芹高誘注芹生水涯即今之水芹菜也又名野芹考野芹頗多莖葉花子皆與園芹相似但園芹係單莖半圓野芹則歧莖通體俱圓園芹大如箸莖色青綠野芹莖粗倍之色有紫者此其不同也

茄 子 茄科一名洛蘇有青白紫各色盛京通志又有海茄旱茄之別今縣境所產者青白色長形者多紫白而球形者近間有之

秦 椒 茄科結椒長於棗而上銳生青熟紅味極辛土人多食之又一作秦芫結芫向上者爲天芫狀如柿子者又俗呼爲柿子椒形長如羊角者俗呼爲羊角芫其味之辛猶甚

茴香 繖形科本草作藿香子葉均可食羣芳譜謂其子可以已肉臭

地豆 茄科一名馬鈴薯又名陽芋有紅白二種紅者早熟白者味甘今且以之製粉麵粉條

縣境內多種之故產額日廣

壺蘆 葫蘆科蘇頌云瓠瓜也狀大小長扁圓不同夏末始實秋中方熟霜後方爲器莊子說

剖之以爲瓠即今之壺盧嫩時皆可食詩八月斷壺是也

王瓜 葫蘆科俗呼爲黃瓜即今孟夏之月王瓜生其種來自西域色綠而形長微有茨蘇頌

圖經胡瓜謂之黃瓜陳藏器云北人爲石勒諱胡改稱黃瓜

窩瓜 葫蘆科種出自東洋又名高麗瓜形類頗多農家幾以之爲常菜

冬瓜 葫蘆科本草一名白瓜深州風土記形類枕皮白如粉塗其子亦白色

攪瓜 葫蘆科似窩瓜而小肉生筋絲醬醃蜜濺皆可食食時以箸攪之其形縷如切者

絲瓜 葫蘆科初生時墜以石則直老則筋亂如絲

南 瓜 葫蘆科時珍曰種出南番轉入閩浙二月下種四月生苗蔓延可十數丈葉狀如蜀葵

而大如荷六七月間黃花結瓜正圓如西瓜皮 有稜如甜瓜一本可結十數顆其色或黃或綠或紅經霜後收置暖處可留至春肉厚色黃同肉煮食猶佳

甜 瓜 葫蘆科禮爲天子削瓜詩七月食瓜當即甜瓜也按蘇頌圖經甜瓜有青白黃三種縣

境內所產有大青皮羊角蜜脂蔬脆喇嘛黃等類熟時味極美蒂入藥名苦丁香

西 瓜 葫蘆科胡嶠陷虜記嶠征回紇得此種歸名曰西瓜松漠紀聞西瓜如扁蒲而圓色青

翠經歲變黃其味類甜瓜味甘脆中有汁尤冷飈有紅黃白之分食之能却暑爽神

蓴 菇 菌草科名類頗多乃溼熱餘氣所生縣境所產有榆黃蓴榛蓴花臉蓴等

地 瓜 旋花科一名甘藷分紅白二種或煮或煨味皆甘美

山 藥 薯蕷科本名薯蕷亦可入藥蘇頌曰秋生實於葉間如鈴韓昌黎送文暢北游詩云山

山藥煮可掘今按山藥產於懷慶者最佳實生於根圓而長至尺餘形不似鈴薯與蘇說

異韓公所咏當即此

黃花菜 百合科一名金針菜本野生物縣境內無山不有其花葉與萱草無殊

蒿 莒 菊科俗名生菜本草附入白莒杜工部有種蒿莒詩葉由根生者尖潤由莖生者爲心

臙形可生食

蒿 時珍曰蒿蒿八九月下種冬春採食肥莖花葉微似白蒿其味辛甘四月起莖高至二

尺開深黃色花狀如單瓣菊花一花結子近百成球此菜自古有之

蕨 菜 羊齒科毛傳蕨也爾雅郭注初生之葉可食埤雅蕨初生狀如雀足之拳又如人足

之蹶故名陸疏云蕨山菜也周秦曰蕨齊魯曰藟關左人呼曰蕨山中處處有之二三月生莖嫩時無葉採取以灰湯煮去涎滑晒乾作蔬根紫色皮內有白粉搗爛洗澄取之名蕨粉又名爲如意菜以其初生葉拳未伸鉤向下時象如意故名

苦 菜 菊科詩邶風誰謂荼苦大雅堇荼如飴爾雅荼苦菜也疏葉似苦莒而細斷之有白汁

月令四月苦菜秀即此也花黃似菊初茁根葉皆可茹俗呼苗馬菜一種葉薄邊有細茨開紅花而味苦者俗呼鵝鴨食菜

莧

莧科陸佃埤雅莧之莖葉皆高大而易見故其字從見指事也別錄曰莧實葉如藍十一月菜李當之即莧菜也宏景云莧實當是白莧所以云細莧細莧即是糠莧被霜乃熟故云十一月菜又有赤莧不堪食馬莧別一種布地即生實至微細俗呼馬齒莧恐非莧實也

灰藿菜

藜科一名藜藿時珍曰此菜莖上有細灰如沙而枝葉翹趯故名梁簡文帝勸醫文作灰滌菜訛爲灰條菜雷公炮製論謂之金鎖天藏器曰灰藿葉心有白粉似藜但藜心赤莖大可爲杖入藥不如白藿山野皆有之

水芹菜

繖形科呂氏春秋菜之美者雲夢之芹高誘注芹生水涯即今之水芹菜也稚而採之炒食鮮美

蒔蒿菜 柳葉菜科莖似蒿葉如柳水邊窪地多生之爾雅作蒔詩于以采蒔周南言刈其蒔蒔

蒔同音故又呼之爲蒔蒿云

洋 薑 蘘荷科莖葉皆似葵植之於園中隙地根作塊形醃食之脆美

螺絲轉 唇形科一名草石蠶多植宅外隙地及籬落邊秧籐生塊根如指頂大作螺旋形祇可

醃食

筆管菜 百合科出土後葉攢簇而尖作筆形故名可熟食根入藥品曰黃精久食能延年益壽

酸漿菜 茄科菜橢圓根紅嫩者酸而可食兒童多採取之北地謂之紅姑娘

蔓 菁 十字花科即蕪菁也形似葑而色青白俗呼玉蓋頭

刺龍牙 木質高者丈餘多莖葉集莖端有似龍牙熟食味美

苦龍牙 毛茛科草本叢生高尺許味微苦若佐小米飯食之則味反甜矣根入藥名升麻

刺拐棒 五加科木質叢生高二三尺有微小刺葉柄作棍形可熟食皮入藥曰五加皮

槍頭菜 菊科草本初生葉合攏作刺刀形故名可熟食根入藥名蒼朮

大耳毛菜 初生莖端一葉傾欹若牛耳然外部多附細毛故名大耳毛可熟食

野鷄膀子 草本出土後形如野鷄膀故名可熟食

鐸尖菜 初出土似大耳毛惟葉端作鐸尖形故名可熟食

杏葉菜 本草釋名薺菴根如沙參葉如杏繞莖互生故名生熟食均宜

明葉菜 似杏葉菜稍大葉之表面明滑故名生熟食均宜

馬籠頭菜 草本初生直立漸生蔓味辣又名辣芫秧採取後乾之冬日食

貓抓菜 草本初生葉拳曲如貓足故名熟食甚佳

猴腿菜 狀似蕨薇色紅有毛

廣東菜 狀如蕨色青綠嗅之味似黃瓜根入藥名貫仲

山胡蘿蔔 莖籐生根似胡蘿蔔而白醃炒食均可

大葉芹 生潮溼地葉團而尖可炒食

小葉芹 狀似大葉芹而葉小食同

老香芹 莖扁圓味傲可和醬生食

山萑菜 葉似萑菜苗單生而不莖叢較萑菜味長

芋 葉大而長根扁而圓周有纖毛科學家稱爲地下莖熟食味甜滑種來自山東今園圃

中亦有種之者

根頭菜 園藝也莖高三尺餘葉生莖端寬而長根肥大可熟食

河白菜 園邊水際多生之狀似根頭菜莖可食

車輪菜 葉輪生貼地道旁多有以形圓如車輪故名詩言芣苢即此子入藥名車前子

薺 一名甘草師曠云歲欲甘甘草先生即言薺也應冬至而生北地多寒凍甫解即生苗

葉畧似鳳仙草初生貼地如盤三四月開花抽莖作臺一種毛薺白花結莢如小萍而有

三角密綴莖上折其莖作燈杖可避飛虫之投故又名護生草初生時根可茹詩云其甘如薺俗名甘蒂根即此

果類

桃

李時珍云桃性早花易植而子繁故字從木兆言其多也核仁入藥山桃仁不堪用今市賣者果雖大係接他木而成者究不如天生者爲佳

杏

蘇頌曰杏處處有之種類亦多黃而圓者曰金杏相傳種出自濟南或謂漢帝杏言漢武帝上苑種也其扁而青黃者名木杏山杏多不勝數寇宗奭曰金杏深赭色核大而扁乃接成者其味最勝又有白杏熟時色青白或微黃味甘淡而不酢王禎書農云北方肉杏甚佳赤大而扁謂之金剛拳

李

時珍曰普通之李綠葉白花樹能耐久產量較桃杏爲多果實酸甜適口

榛

子生於遼東山谷樹高數尺子如小栗時珍曰樹低小叢生花成條下垂長二三寸二月

生葉葉多皺紋有細齒及尖其實作苞三五相黏一苞生青熟褐其殼厚而堅其仁白而

圓

櫻

桃

本草釋名翼桃含桃荆桃皆是也時珍曰樹不甚高春初開白花葉團有尖及細齒結子一枝數十顆三月熟時須守護否則鳥食無遺鹽藏蜜澱均可本境多產之

山裏紅

到處多生之其實圓色紅狀如山楂其味酸頗適口

山定子

樹高二三丈花白色成繖形果圓而味酸

梨

原有祇山梨一種現已有接香水平頂香等但以邊地過寒仍不甚盛也

核桃

一名胡桃殼長而堅厚肉味香惟外苞與葉均含毒汁至山村中每以其汁在溪中毒

魚者原係本境出產自斬木墾荒後此樹存者無幾故核桃產量亦無多云

葡

萄

李時珍曰漢書作蒲桃可造酒醕飲之別陶然而醉故有是名圓者名草龍珠長者名馬乳葡萄白者名水晶葡萄黑者名紫葡萄張騫西域還得此種山產者曰蔓真苗葉與